



# Հավո Սահյան

## Ի՞նչ Թաքցնեմ

«Ի՞նչ Թաքցնեմ» .

Էլ բան չունեմ

Ես աշխարհից թաքցնելու:

Մինչև հիմա, որ չեմ հանգել

Էլ ինձ ո՞վ է հանգցնելու:

Վառվել եմ ես մանկուց ի վեր

Ծիծաղել եմ ու հառաչել,

Ծիծաղել եմ ու հառաչել

Ինձ գտնելու մի հարցումով.

Եվ վերջապես կամաց-կամաց

Սկսել եմ ինձ ճանաչել,

Թեկուզ՝ այսքան ուշացումով:

Սկսել եմ ինձ ճանաչել

Ոչ թե այլոց կարծիքներով ,

Ոչ թե թնիս ու գլխիս տակ

Դրած փափուկ բարձիկներով,

Այլ՝ հոգսերի ծովն ամփոփող

Իմ ծով սրտի տարողությամբ...

Յոթ գլխանի տառապանքին

Դիմանալու կարողությամբ:

Սկսել եմ ինձ ճանաչել

Ոչ թե ինչ-որ խաբված սիրով

Այլ հոգուս մեջ շառագունած

Երագներիս Կաթն Ծիրով:  
Սկսել եմ ինձ ճանաչել  
Այս համարձակ առավոտով,  
Ինձ վաստակի վարձով առատ,  
Մաքուր պահած իմ հավատով,  
Արյան գույնով իմ անարատ:  
Սկսել եմ կամաց-կամաց  
Ինձ ճանաչել ու հասկանալ,  
Ինձնից անկախ պատճառներով  
Գործած բոլոր մեղքերիս դեմ  
Սկսել եմ կամաց-կամաց ընթոստանալ:  
Սկսել եմ կամաց-կամաց  
Դառնալ ներհուն,  
Դառնալ խոհեմ:  
Մի կաթիլ ջուր պահանջողին՝  
Շատրվաններ չխոստանալ  
Սկսել եմ իմ բախտի հետ  
Ավելի սերտ մտերմանալ:  
Սկսել եմ ավելի շատ ջերմացնել  
Ու ջերմանալ:  
Սկսել եմ կամաց-կամաց  
Բոլորի դեմ հոգիս բանալ,  
Գարնանային այս ամպրոպով սրբագործել  
Ու լվանալ:  
Սկսել եմ երգով ,  
Հոգով ու խոհելով  
Հարստանալ:  
Եվ վերջապես.  
Սկսել եմ ես հասկանալ,  
Որ բան չունեմ այս աշխարհից թաքցնելու,  
Մինչև հիմա  
Որ չեմ հանգել,  
Էլ ինձ ով է հանգցնելու: